

Գ. Յիւրայան

ՀԱՅԱՎԱՆ ԱՄՐՈՑԻ 1961 թ. ՊԵՂՈՒՄՆԵՐԸ

Հացավան գյուղը գտնվում է Երևանից Գառնի տանող նոր խճուղու մոտ, Երևանից 20 կմ, իսկ Գառնից 10 կմ հեռավորության վրա:

Գյուղի հյուսիսային մասում, կոլտնտեսության գոմերից ոչ հեռու, մի Բարձունքի վրա, տեղադրված է եղել հին ամրոցը, սրի մնացորդները ուսումնասիրվում են այժմ Գառնի հնագիտական արշավախմբի մի ջոկատի կողմից (նկ. 1):



Նկ. 1. Ամրոցի ընդհանուր տեսքը

Բարձունքը, որը տեղի բնակիչները կոչում են «Եղոյի գիք» կամ «Գոռ իշխանի բերդ», երկու արևելյան և արևմտյան կողմերից եզերված է ձորերով կամ ձորակներով, իսկ երրորդ՝ հյուսիսային մասով կապված է ցամաքի հետ, որտեղ գտնվում են գյուղի մշակելի տարածությունները: Բարձունքի հարավային լանջի ստորոտից սկսվում է գյուղը, ուր կարելի է իջնել հարավ-արևմտյան անկյունից:

Հացավանի հին ամրոցը ուշադրության է արժանացել Գառնի պեղումների կապակցությամբ:

Դեռևս 1952 թ. գյուղի բնակիչները պրոֆեսոր Բ. Ն. Առաքելյանին հանձնել էին ամրոցի շրջակայքում հայտնաբերված մի դրամ, որը ինչպես հետագայում պարզվեց, հանդիսանում էր Տիգրան 2-րդի պղնձե դրամը:

1953 թ. աշնանը Գառնիի արշավախմբի անդամներ Բ. Առաքելյանը, Գ. Կարախանյանը և Գ. Տիրացյանը փոքրածավալ պեղումներ կատարեցին այստեղ: Գյուղի բնակիչների ասելով ամրոցը զեռես մեր ժամանակների 20-ական թվականներին շրջապատված է եղել բավական բարձր պարիսպներով. որոնք սակայն քանդվել, իսկ քարերը օգտագործվել են գյուղի շինարարական կարիքների համար:

1953 թ., կարճատև աշխատանքների ընթացքում, հնարավոր եղավ պարզել պարսպի շրջագծի հյուսիսային և արևմտյան հասվածքների մոտավոր պատկերը: Այն ժամանակ մենք ենթադրում էինք, որ պահպանվել են միայն պարսպապատի հիշյալ կողմերի ամենաներքևի շարքը կամ լուկ հիմքերը, իսկ նրա հարավային և արևելյան հասվածքները, չնչին բացառություներով, իսպառ քայքայված էին թվում:

Բնակիչները տեղեկացրին գյուղի տերիտորիայում բացվող կարասային և սալարկղային թաղումների մասին և հանձնեցին կավե երկու անոթ և կոնդրոմերատից պատրաստված թասի մի բեկոր, հավանաբար անտիկ ժամանակաշրջանից:


Ամրոցում փոքր ծավալի աշխատանքներ են կատարվել նաև 1960 թ. աշնանը, մասնակցությամբ Գառնիի արշավախմբի աշխատակիցներ Ժ. Խաչատրյանի և Մ. Ղարիբյանի: Ամրոցի հարավային ծայրում բացված մի քառակուսուց դուրս են քերվել ն. մ. թ. և մ. թ. տուաչին դարերի խեցեղեն: Տեղական դպրոցի ուսուցիչներից մեկը, ամրոցի մոլեբերեսից, պատահաբար դուրսվեց ծայրը մշակված բրոնզե մի շքասեղ, որը համապատասխանում է անտիկ ժամանակաշրջանի այդ տիպի առարկաներին:

Հացավանի ամրոցի սիստեմատիկ պեղումները սկսվեցին 1961 թ. աշնանը և տևեցին հոկտեմբերի 26-ից մինչև նոյեմբերի 10-ը: Աշխատանքներին մասնակցել են ԳԱ Հնագիտության և ազդագրության ինստիտուտի կրտսեր դիտաշխատող Լ. Բարսեղյանը և ասպիրանտ Ա. Քալանթարյանը:

Պեղումների նպատակն էր հետազոտել ամրոցի բուն տերիտորիան, ինչպես նաև պարզել պարսպապատի ընդհանուր հատակագիծը (նկ. 2): Համեմատաբար լավ վիճակումն է մնացել պարսպապատի հյուսիսային մասը: Այստեղ, մինչև հիմքը, բացվեց պարսպի արտաքին երեսը, կազմված 6 շարքից, պահպանված մաքսիմալ բարձրությունը — 2,40 մ: Հյուսիսային այս հասվածքն ունի հստակ կոնտուր: Մեջտեղում դուրս է ցցվում կիսաբոլորաձև աշտարակը, իսկ անկյուններում տեղադրված են կլոր աշտարակներ (պայմանական տրամագիծը 6 մետրից — 7,70 մ.): Ավելի վառ վիճակում է պարսպի արևելյան մասը, տեղ-տեղ հիմքերն անհետանում են, բայց ընդհանուր գիծը հեշտությամբ է ընթերցվում: Պարիսպը օժտված է փոքր, քառանկյունի աշտարակաձև ելուստներով, կոնտրֆորսներով, որոնք կոչված էին ավելի ամրակուլ դարձնելու պարսպի տվյալ մասը և հեշտացնում էին նրա պաշտպանությունը (կոնտրֆորսների չափսերը — երկարությունը 2,50 մ — 4,20 մ, հաստությունը 1 մ — 1,30 մ, հեռավորությունը իրարից՝ 2,60 մ — 8,30 մ): Հատկանշական է նրանց մեծ քանակը (7 հատ) համեմատաբար փոքր տրամագծության (50—60 մ) վրա: Կոնտրֆորսների հաճախականությունն այստեղ բացատրվում է նրանով, որ ամրոցն այս լանջից ավելի մատչելի էր, քանի որ նրա ստորոտով անցնում էր ոչ շատ խորը ձորակ: Ամրոցի հարավային կող-

մում քաջվել է առայժմ միայն մեկ կոնտրֆորս (երկարությունը՝ 2, 70 մ, խորությունը՝ 1,40 մ)։

Արևմտյան մասի պարսպի գիծը մեզ հայտնի էր նախորդ պեղումից. այստեղ քաջվեց նաև պարսպագիծը՝ հյուսիս-արևմտյան կլոր աշտարակի միացնող հատվածը։ Այս կողմի վրա կան չորս կոնտրֆորսի հետքեր։ Սրանք ավելի մեծ են և իրարից ավելի հեռու։ Կասկած չի կարող լինել, որ պեղումները փոփոխություններ կմտցնեն այս հատվածի կոնտուրի մեջ ևս։



Նկ. 2. Ամրոցի հատակագիծը

Պարսպապատը կառուցված է միջին չափսերի անմշակ լեռքարերից, հարթ երեսը դեպի դուրս։ Անկյունային մասերում հանդիպում են մինչև 1 մ երկարություն ունեցող քարեր, բայց սովորական քարերը 0,40 — 0,50 մ-ից մեծ չեն։ Նրանք շարված են շատ կանոնավոր ձևով, միացված են հողե շաղախով և շատ ամրակուռ կերտվածքի տպավորություն են թողնում (նկ. 3)։ Պարսպի հյուսիսային հատվածի ներսի երեսի որոնման աշխատանքները ցույց տվեցին, որ այս մասում գոնե, պարսպի հաստությունը կարող էր հասնել մինչև 3,75 մ։

Ընդհանուր ռելիեֆին և տեղանքին համեմատ, պարսպը դրված է ուղղակի մայր ժայռի վրա. հարկավոր դեպքում հիմքերում խիճ է լցված եղել։

Ամրոցի ամենամատչելի զուգահեռները մեր կարծիքով պետք է փնտրել Առաջավոր Ասիայի, Միջագետքի և Սիրիայի պարթևական և հռոմեական ժա-

մանակաշրջանի համապատասխան հուշարձաններում և գուցե Միջին Ասիայի՝ Խորեզմի հին ամրոցներում¹։

Արդեն հիմա կարելի է ասել, որ Հացավանի ամրոցը, իր բավական զարգացած հատակագծով, շնայած տեղանքի թելադրանքից բխող որոշ անսիմետրիկության, իր հավաքված, կուռ շրջագծով, ամրոցաշինարարական բարձր ունակությունների և տրագիցիաների մասին վկայող մտահղացման արդյունք է։




Նկ. 3. Պարսպի հյուսիսային հատվածի կիսակլոր աշտարակը

Ամրոցի ներսում պեղել ենք կենտրոնական մասը և հարավային ծայրը։ Երկու տեղերում էլ բացվել են կանոնավոր պատերի մնացորդներ, միջին չափերի լեռքերից շարված (պատերի հաստությունը — 0,90 — 1,20 մ, պահպանված բարձրությունը մինչև 1 մ)։ Պատերը սվաղված են եղել և հարդարված։ Այդ մասին են վկայում սպիտակ, բավական բարձրորակ կրասվաղի մի քանի բեկորները, որոնք գտնվեցին կենտրոնական քառակուսիներում։ Դրանց հետ դուրս եկան նաև սենյակների ներքին հարդարանքի ռելեֆ քիվերի և գոտիների գիպսե բեկորներ։ Սրանք չսով, հստակ պրոֆիլավորված բեկորներ են, միջին մասը կորուսվածով դեպի ներս, ներքևից և վերևից զուգահեռ առուակոսներով (բարձրությունը 5 սմ, հաստությունը 6 սմ, պահպանված երկարությունը 14—23 սմ) (Նկ. 4)։ Պատերի առաստաղների հարդարումը դիպսից պատրաստված ձուլածո գոտիներով տարածված մի սովորություն էր հելլենիստական աշխարհում։ Այդ ռելեֆ հարդարանքիները ձուլվում էին հատուկ կաղապարների մեջ և ապա շաղախով փակցվում պատին կամ դրոշմվում էին ուղղակի պատի վրա, դեռևս չորացած գիպսի կամ սվաղի շերտի վրա²։

¹ Б. Н. Аракелян, Гарни, II, էջ 88, ծանոթ. 1.

² „Эллинистическая техника“. Сборник статей под ред. акад. И. И. Толстова, М.—Л, 1948, էջ 131—132.

Հարավային քառակուսում հայտնաբերվել են երեք կարասների մնացորդներ, մեկի մեջ՝ կրային զանգված: Կարասների բեկորներ հանդիպում են ամրոցի մյուս մասերում ևս, այնպես որ արդեն հնարավոր է բնորոշել կավանոթների այս տիպը: Սրանք հաստ պատերով մեծ անոթներ են բաց կարմրավուն մակերեսով (տրամաչափը 0,80 մ): Շատ բնորոշ են շրթները, հաստ, դեպի դուրս ցցվող, վերևից տափակ պսակով:




Նկ. 4. Գիպսե ձուլածո քիվի բեկորներ:

Խեցեղենը առատորեն է դուրս գալիս: Այն կարելի է նախնական դասակարգման ենթարկել:

Մի փոքրաթիվ խումբ կապվում է հայկական լեռնաշխարհի հնագույն էպոխաների, էնեոլիթի և բրոնզե դարի կերամիկայի հետ: Այդ շրջաններին վերաբերող ամբողջական անոթներ հայտնաբերվել են գյուղում՝ պատահաբար երկրորդ խումբը կազմում են ն. մ. թ. 5—4 դարերի կերամիկայի հետ առնչվող բեկորները: Մի սովոր խումբ, բաց գույնի, անգորով պատած անոթների խեցիները, որոշակիորեն կապվում են մ. թ. առաջին դարերի Գառնիի կավանոթների հետ: Չորրորդ խումբը, որն ամենից հետաքրքիրն է, որովհետև առաջին անգամն է դուրս գալիս բավական մեծ քանակությամբ սիստեմատիկ պեղումների ընթացքում, նոր տիպի գունազարդ կերամիկա է: Բաց գույնի անգորովրա (դեղին, օխրա, կարմրավուն) հանդիպում են տարբեր հաստությամբ գոտիներ, հաճախ առանձին, երբեմն զուգահեռ սև, սրճագույն, կարմիր, շագանակագույն, վարդագույն: Երբեմն զարդերը բարդանում են. հատվող գծեր, դանցած օրնամենտ, և նույնիսկ ձևեր: Նկար հիշեցնող զարդ, սև ներկով արված, կարմրավուն ֆոնի վրա (նկ. 5):

Այս լինորոշ խումբը գալիս է հարստացնելու մեր դիտելիքները Հայաստանի խեցեղործության զարգացման քիչ ծանոթ մի ժամանակաշրջանի վերաբերյալ: Նման կերամիկայի կարելի է հանդիպել Փոքր Ասիայի, հարավային Ռուսաստանի և Ղրիմի հելլենիստական ժամանակաշրջանի կենտրոններում:

Պեղված ոսկորների թվում, բժշկական գիտությունների թեկնածու Հ. Ադիդյանի բնորոշմամբ, հանդիպում են խոշոր եղջյուրավորներից՝ կովի և ցուլի, մանր եղջյուրավորներից՝ ոչխարի և այծի, ամենակեր կաթնասուններից՝ խոզի մնացորդները:



Նկ. 5. Նոր տիպի խեցեղենի նմուշներ

Այս տարվա պեղումներից հետո կարելի է ենթադրել, որ Հացավանի հուշարձանը կարող է ժամանակակից լինել Գառնիի ամրոցին: Այդ դեպքում նույն ժառանգական դիրքը Գառնիի հանդեպ և մոտիկությունը, նրա շափսերն ու բնույթը թույլ են տալիս ենթադրելու, որ հուշարձանը հանդիսանում է Գառնիի առաջապահ ամրոցը: Նախքան Գառնի հասնելը Նրևանից եկող հին ճանապարհը անցնում է Հացավանով: Ամրոցի արևմտյան ընկերներից երևում են վարդաշենը, նոր Արեշը և Արինբերդը, այսինքն Նրևանի հնագույն մասը: Այնտեղից մինչև Հացավան 9—10 կմ է: Արարատյան դաշտի այս հատվածից դեպի Գառնի շարժվող զորքը անխուսափելիորեն պետք է անցներ Հացավանի ամրոցի մոտով: Արարատյան դաշտից Գառնի տանող մյուս ճանապարհը գալիս էր Արտաշատից և անցնում էր, ըստ երևույթին, Դվինի և Տիգրանիի ամրոցների մոտով: Այս ճանապարհի նախալեռնային հատվածը, Ազատի ձորին զուգահեռ, նույնպես ընկնում էր Հացավանի զորակայանի տեսադաշտի մեջ: